

Sindikati u sistemu ŽFBiH

U r g e n t n o

Za ministra prometa i komunikacija u Vladi FBiH
g. Nail Šećkanović

Predmet: Poziv na hitno rješavanje alarmantne situacije u Željeznici Federacije BiH

Poštovani!

Ovim putem Vas, po ko zna koji put, pozivamo da se uključite u rješavanje pomenute situacije na Željeznici Federacije BiH, na taj način što će te što HITNIJE upriličiti sastanak sa socijalnim partnerima tj. sa predstavnicima svih sindikata u sistemu ŽFBiH.

Sindikati su spremni za konstruktivne razgovore sa predstavnicima Vlade FBiH i resornog ministarstva sa ciljem rasvetljavanja uzroka koji su doveli do ovakvog stanja, a za glavnog krivca smatramo aktuelnu Upravu Društva ŽFBH.

Upoznali smo Vas sa nizom nepravilnosti i protuzakonitih radnji koje je ova Uprava Društva učinila za vrijeme svoje „vladavine“ od 6 mjeseci.

Što je najgore doveli su u pitanje najvažniji segment željeznice, a to je bezbjednost željezničkog saobraćaja.

Prepuštamo Vama da odredite satnicu i mjesto održavanja sastanka.

Nadamo se da će te biti toliko profesionalni u duhu Vaše funkcije i pomenuti sastanak zakazati danas „ODMAH“, jer za sve daljnje posljedice ovakvog stanja biti će te lično odgovorni.

S poštovanjem,

Dostavljeno:

- Naslovu,
- Medijima.

Za sindikate:


Vernes Buljugija

Kontakti:

Vernes Buljugija, tel: 061 207-201

Munir Spahić, tel: 061 724-429

Igor Boban, tel: 061 525-170

Fax: 033 218-298

SINDIKAT MAŠINOVOĐA – STROJOVOĐA U FBiH

Za ministra prometa i komunikacija u Vladi FBiH
g. Nail Šećkanović

Predmet: Hitno postupanje,

Obavještavamo Vas da je predsjednik Uprave – generalni direktor ŽFBiH g. Nedžad Osmanagić uputio „NAREDBU“ da se uposlenici Željeznice Federacije BiH upute na vožnju vozova bez ljezarskih pregleda, a koji nemaju pravo upravljati mašinama-vozovima po prugama ŽFBiH.

Isti, ako pozvani radnici prihvate da rade i pod pritiskom, smatram da će ugroziti bezbjednost željezničkog saobraćaja, željezničku imovinu i ljudske živote.


Upozoravamo Vas, da je imenovani, osoba „prošlosti“, nakon svega što je napravio za proteklih 5 mjeseci i jedan od generatora nastale krize u željeznici, spremna je na sve, pa i na uštrb ne poštivanja pisanih odredbi svih zakona koja regilišu pitanja željezničkog saobraćaja i zaštite na radu.

S poštovanjem,

Dostavljeno:

- Federalnoj Upravi za inspeksijske poslove (inspektoratu rada i saobraćaja),
- Federalnom ministarstvu unutrašnjih poslova,
- OHR-u,
- Predsjedniku Nadzornog odbora ŽFBiH,
- Ovdje.

Predsjednik SMS-a u FBiH



Vernes Buljugija



JAVNO PREDUZEĆE ŽELJEZNICE FEDERACIJE BOSNE I HERCEGOVINE
društvo sa ograničenom odgovornošću SARAJEVO
71 000 Sarajevo, Musala 2

Identifikacioni broj: 4306130270001; Reg. br. 065-G-Reg-06-000614 od 28.12.2006. godine kod Općinskog suda u Sarajevu. PDV broj: 200450270001; Transakcijski račun broj: KM 3389002207823509. DEVIZNI IRAN BA39 3389002207823509 SWIFT: UNCRBH kod UNICREDIT BANK D.D. Mostar; 3060340000308607 kod HYPO-ALPE-ADRIA BANK D.D. Mostar; 56590135000051 kod BOBAR BANKA A.D. Bijeljina; 1327310010269422 kod NLB-TUZLANSKA BANKA D.D. Tuzla

Koordinatori: Željko Federacija Bosna i Hercegovina
društvo sa ograničenom odgovornošću Sarajevo
PROMETNO POSLOVNO PODRUČJE TUZLA

Broj: 9580-2/10
Sarajevo, 13.12.2010.

Primljeno	14.12.2010		
Org. jac.	Broj	Priloga	Vrijednost
Dir. PPP	0999		

Na osnovu člana 58. Statuta JP ŽFRiH d.o.o. Sarajevo i Odluke Uprave Društva broj: 9580-1/10 od 13.12.2010. godine, donosim sljedeću

NAREDBU

I

NAREDBUJEM, direktorima Prometno poslovnih područja i Područja infrastrukture: Zenica, Sarajevo, Mostar, Tuzla i Bihać, da se od 14.12.2010. godine i dalje, preduzmu potrebne aktivnosti na osiguranju funkcionisanja, sigurnosti i tehničko tehnološkog jedinstva u poslovanju Društva, a u cilju redovnog i bezbjednog odvijanja željezničkog saobraćaja na prugama Federacije Bosne i Hercegovine.

II

Lica iz tačke 1. ove Naredbe su obavezna i odgovorna za obezbjeđenje izvršavanja redovnih radnih zadataka svih zaposlenika prema utvrđenom rasporedu, a u skladu sa zaključenim ugovorima o radu.

III

Ako zaposlenici VV (osoblje vučnog vozila) i dalje odbijaju obavljanje redovnih poslova iz ugovora o radu, za vuču teretnih vozova je potrebno obezbjeđiti partije iz reda zaposlenika koji imaju stručni ispit za obavljanje vuče vozova (dispačeri vuče, nadzornici lokomotiva, mašinske i elektrotehničke inženjere vuče i slično) pri čemu će se organizovati vožnja pod nadzorom školskog instruktora vuče ili putujućeg kontrolora.

Sve vozove otpremati sa sprovođnikom. Za sprovođnike angažovati zaposlenike koji dobro poznaju prilike na pruzi, koji mogu blagovremeno ukazati na signale, signalne oznake kao i karakteristična mjesta na otvorenoj pruzi i u službenim mjestima. Za iste odrediti vozovođe, vozače motornog pružnog vozila, prometne kontrolore i slično u skladu sa odredbama člana 7. tačka 6. Saobraćajnog pravilnika 2, te ostalih važećih saobraćajnih propisa. Sprovođnik može biti zaposlenik koji mora minimalno poznavati stavljanje u isključni položaj pogona i rukovanje kočnicom vučnog vozila.

Kod vozova kod kojih se obavlja vožnja pod nadzorom obezbjeđiti vozopratno osoblje sastava 1/0 (sa vozovodom) ili 0/1 (sa kočničarenim).

Brzinu ovakvih vozova prilagoditi mjesnim uslovima i ograničiti je na 30 (km/h).

Prilikom nailaska u neposrednu blizinu putnog prelaza davati signalni znak 67 «Pazi» i isti ponavljati više puta. Ispred prelaza stati i osigurati prema odredbama člana 113. tačka 10. Saobraćajnog pravilnika 2., kao i tačke 124. Uputstva o manevrisanju. Ispred svakog od ovih vozova kao prethodnicu uvesti u saobraćaj motorno pružno vozilo kao voz.

IV

Lica iz tačke 1. ove Naredbe dužna su obavijestiti nadležna ministarstva unutrašnjih poslova zbog bezbjedonosnih razloga.

V

Svim zaposlenicima koji odbiju postupiti po ovoj Naredbi i nalogu lica iz tačke 1. ove Naredbe, otkazat će se ugovor o radu u skladu sa zakonom i Pravilnikom o radu JP ŽFBiH d.o.o. Sarajevo.

VI

Ova Naredba stupa na snagu ODMAH.

Dostavljeno:

- Direktori PPP i PI
- Zaposlenicima PPP i PI
- Oglasne ploče
- spis

Izvršni direktor za poslove
Željezničkog operatora

Nijaz Pužić

Izvršni direktor za poslove
željezničke infrastrukture

Vlado Budimir

31 : 361/10
14. 12. 2010